

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 30. stav 1. i člana 37. Zakona o izvršavanju Budžeta Federacije BiH za 2021. godinu („Službene novine Federacije BiH“, broj 4/21), i tačke V Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije Bosne i Hercegovine za 2021. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, („Službene novine Federacije BiH“, broj 31/21), federalni ministar za pitanja boraca i invalida odbrambeno-oslobodilačkog rata, objavljuje:

### JAVNI POZIV

**za podnošenje zahtjeva za ostvarivanje prava na dodjelu jednokratnih novčanih pomoći za sufinansiranje troškova sahrana i dženaza pripadnika boračkih populacija za 2021. godinu, utvrđenog Budžetom Federacije Bosne i Hercegovine za 2021. godinu**

#### I

Predmet Javnog poziva je odobravanje jednokratnih novčanih pomoći za sufinansiranje troškova sahrana i dženaza pripadnika boračkih populacija iz sredstava „Tekućeg transfera neprofitnim organizacijama - Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije Bosne i Hercegovine za 2021. godinu, na razdjelu 32 – ekonomski kod 6143, Budžetom Federacije BiH za 2021. godinu („Službene novine Federacije BiH“, broj 4/21), u iznosu od 600.000,00 KM.

#### II

Zahtjeve za sufinansiranje troškova sahrana i dženaza mogu podnijeti ratni vojni invalidi, članovi uže porodice šehida i poginulih boraca, dobitnici ratnih priznanja i odlikovanja i članovi njihovih porodica, demobilizirani branioци za slučaj smrti članova njihove uže porodice, koji ispunjavaju kriterije iz tačke IV ovog javnog poziva.

Sredstva za sufinansiranje troškova sahrana i dženaza pripadnika boračkih populacija u 2021. godini dodjeljivat će se mjesečno, u visini odobrenih tekućih budžetskih sredstava, a na osnovu zahtjeva podnesenih u skladu sa Javnim pozivom.

#### III

Odobravanje sredstava iz tačke I ovog poziva, vršit će se u skladu sa općim i posebnim kriterijima, za smrtne slučajeve iz 2021. godine, izuzetno i za smrtne slučajeve iz decembra/prosinca 2020. godine.

#### IV

Opći kriteriji za odobrenje sredstava za sufinansiranje troškova sahrana i dženaza definiraju sljedeći uslovi:

1. Da su podnosioci zahtjeva: ratni vojni invalidi, članovi uže porodice šehida i poginulih boraca, dobitnici ratnih priznanja i odlikovanja i članovi njihovih porodica, demobilizirani branioци za slučaj smrti članova njihove uže porodice, (pod članovima uže porodice se smatraju: roditelji, supružnici i djeca).

Posebni kriteriji za odobrenje sredstava za sufinansiranje troškova sahrana i dženaza pripadnika boračkih populacija su:

1. Sredstva Budžeta za 2021. godinu na poziciji „Transfer za sufinansiranje troškova sahrana i dženaza pripadnika boračkih populacija“, mogu se koristiti za dodjelu jednokratnih novčanih pomoći svim fizičkim licima navedenim u općim kriterijima (ukoliko već nisu dobili pomoć po istom osnovu od drugog državnog organa ili institucije, odnosno pravnog lica), u skladu sa općim i posebnim kriterijima.
2. Novčana pomoć za smrtni slučaj iste osobe može se odobriti samo po osnovu jednog podnesenog zahtjeva. Dodjela sredstava se vrši na osnovu podnesenog pismenog zahtjeva i priloženih traženih dokumenata.

#### V

U skladu sa tačkom IV. Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije BiH za 2021. godinu, definiran je iznos za dodjelu jednokratne novčane pomoći u iznosu od 400,00 KM (četiristotine konvertibilnih maraka).

#### VI

Sredstva za sufinansiranje troškova sahrana/drženaza odobravaju se putem nadležne komisije, koju imenuje federalni ministar. Komisija razmatra zahtjeve koji su kompletirani sa svim traženim dokumentima iz tačke VIII Javnog poziva.

#### VII

Zahtjevi fizičkih lica koji su, kao uposlenici državnih, federalnih, kantonalnih ili općinskih organa uprave, upravnih organizacija i drugih javnih ustanova ili preduzeća, već ostvarili pravo na novčanu pomoć po istom osnovu za troškovu sahrane/dženaze iz budžetskih sredstava, neće se uzimati u razmatranje.

Nekompletni zahtjevi, u skladu sa ovim Javnim pozivom neće biti uzeti u razmatranje i bit će odbijeni od strane komisije. Ukoliko komisija donese odbijenicu po dostavljenom zahtjevu, podnosilac zahtjeva može dostaviti novi zahtjev, ali sa svom potrebnom dokumentacijom. Federalno ministarstvo nema obavezu vraćati dokumentaciju dostavljenu uz zahtjev.

#### VIII

Na zahtjevu za dodjelu pomoći kod troškova sahrana i dženaza, podnosilac zahtjeva treba čitko navesti svoje lične podatke: ime i prezime, ime oca, JMBG, adresu i broj kontakt telefona. Uz zahtjev se obavezno prilažu sljedeći dokumenti:

1. Smrtni list umrlog lica, original ili ovjerena kopija;
2. Uvjerenje o pripadnosti određenoj kategoriji boračke populacije podnosioca zahtjeva (kada zahtjev za pomoć podnosi u slučaju smrti člana svoje uže porodice), izdato od strane nadležnog općinskog organa za vojne evidencije (original ili ovjerena kopija);
3. Uvjerenje o pripadnosti određenoj kategoriji boračke populacije umrlog lica, kada zahtjev podnosi član uže porodice umrle osobe (original ili ovjerena kopija);
4. Kopija lične karte podnosioca zahtjeva (ovjerena);
5. Potvrda da nije ostvarena novčana pomoć za troškove sahrane/dženaze po istom osnovu, izdata od strane općine (služba za boračko-invalidsku zaštitu) ili kantona;
6. Kopija kartice tekućeg računa ili ovjerena potvrda banke sa brojem tekućeg računa podnosioca zahtjeva;
7. Dokaz o statusu podnosioca zahtjeva:
  - a) Ukoliko je podnosilac zahtjeva zaposlen, potrebno je dostaviti potvrdu od firme da nije ostvarena novčana pomoć po istom osnovu;

- b) Ukoliko je podnosilac zahtjeva nezaposlen, potrebno je dostaviti potvrdu sa biroa za zapošljavanje;
- c) Ukoliko podnosilac zahtjeva nije evidentiran na birou za zapošljavanje, potrebno je da dostavi Izjavu pod punom odgovornošću da nije zaposlen i da se ne nalazi na evidenciji biroa za zapošljavanje (Izjava treba biti ovjerena u općini);
- d) Ukoliko je podnosilac zahtjeva u penziji, potrebno je da dostavi ovjerenu kopiju zadnjeg čeka od penzije.

IX

Zahtjevi po Javnom pozivu za ostvarivanje prava na dodjelu jednokratnih novčanih pomoći za sufinansiranje troškova sahrana i dženaza pripadnika boračkih populacija za 2021. godinu podnose se Ministarstvu **zaključno sa 31.12.2021. godine**, putem pošte ili lično na adresu:

**Federalno ministarstvo za pitanja boraca i invalida odbrambeno-oslobodilačkog rata/  
Federalno ministarstvo za pitanja branitelja i invalida domovinskog rata,  
ul. Hamdije Čemerlića br.2, 71000 Sarajevo,**

sa naznakom:

**„ Javni poziv za podnošenje zahtjeva za ostvarivanje prava na dodjelu jednokratnih novčanih pomoći za sufinansiranje troškova sahrana i dženaza pripadnika boračkih populacija za 2021.godinu, utvrđenog Budžetom Federacije Bosne i Hercegovine za 2021. godinu “.**

X

Obrazac zahtjeva za sahrane i dženaze pripadnika boračkih populacija će biti objavljen na web stranici Ministarstva ([www.fmbi.gov.ba](http://www.fmbi.gov.ba)), a isti će se moći preuzeti i u prostorijama Pisarnice Ministarstva.

**Po ovlaštenju Vlade Federacije BiH  
POMOĆNIK MINISTRA**

**Mirza Terzo**

Broj: 01-37/2-1443/21  
Sarajevo, 23.04.2021. godine

